

Iroun Beretitenti  
Dieter F. Uchtdorf

Kauoman ni Kauntira  
n te Moan Beretitentii



# Aomata aika Itiaki ibukin Tai ni Kabane

Tai au uriuring n ataei n teuana mwakoron te aonaaba are e rang n tikaua ni katoa kakateuana te tai n te ririki. Ni katoa namwakaina ake a nako a mimitong ao a kamimi. N tetaina ni bongin te winta teuana are tamaroaroa, a rabunaki maunga ma kawain te kaawa n te tino ae boou. E kaitiaki bwai ni kabane ao e kabwebwei ma ni kauei ao ni kariki ban aroka te kakarau n te tiburung. E ota taai ae katekemata i karawa ae mawawa ma n itiaki. Ao te otom ae tiki-raoi e biti taraan aroka nakon taraaraoia n aoranti, ni babobo, ao n uraura. Ngke I ataei, I tangiri tai ni kabane, ao n te tai aei, I tangiri aroia ma kakaokoroia ni kakateuana.

Iai naba iroura tai ni maiura. Tabeu a kabuebue ao a kakukurei. Tabeu a aki. Tabebong ni maiura a titikiraoi kanga tamnei i aon te karenta n tamnei. Ao ngai a iai bong ma aroaro ake a kamarakiatu ao a kona ni karin i nanon maiura namakin ni bwarannano aika korakora, te kairiribai, ao te ikakaiwi.

I koaua bwa n tetaina ke tebongina a reke ara iango ni bane bwa e tamaroa te maeka n te aba teuana are e kaonaki n ti bongin tai n tamnei aika tamaroaroa ao ni kararoai tain kakukurei i marenantai.

Ma e aki kona n reke aei. E aki naba tangiraki.

Ngke I iangoa taekan oin maiu, e ota bwa mwaitin

tai n rikirake n tamnei ake a rang ni korakora a reke irou n te tai are I rinanon tai ni kaangaanga.

Tamara are i Karawa e wanawana ni bwai nako E ataia bwa ibukiia Natina bwa a na rikirake bwa aomata n aroia ake a karaoaki iai, a na tangiria n rinanon tai ni kaaitara n tain motirawaia n te maiu are mamate. E taku Riaai are ana burabeti Ana Boki Moomon bwa n akean te kaaitara, “e na bon aki kona n ataaki te raoi-roi” (2 Nibwai 2:11). E koaua, bon maon te maiu are e anganira kinaakin, kataunarian, ao butimwaean karewe-rewena (taraa D&C 29:39; Mote 6:55).

E taekinna Beretitenti Brigham Young n aron aei: “Ni kabane aomata aika wanawana aika baunaki ni bau aika mimitong, aki mamate, ao a maiu n akea tokia a riai n rinanon kaangaanga ni kabane ake a baireaki ibukiia ake a wanawana n rinanoi, ni karekei mimitongia ao karietatakiia. Ni kabane kabuanibwai ake a kona ni bwakari aoia aomata ake a mamate a na maraki . . . ni katauraoia ni kimwareirei ni kaotin te Uea i buakoia . . . Ni kabane kakatai ao waki ake ko a tia n rinanoi a riai ibukin te kamaiu ibukim.”<sup>1</sup>

Te titiraki tiaki are ti na nori tai ni kaaitara ma ti na kanga ni karaoi taekan ara kaangaanga. Ara anga ae na-koraoi iai n tain aki tokin bibitakin tai n te maiu bwa ti na taumatoa nakon Ana taeka te Atua ae kakaonimaki,

bwa Ana reirei e karoaki bwa e na aki ti buokira n teimatoa ni kaangaangan wakin te maiu ma E na kairira nako mai iai. E a tia Tamara are i Karawa n anga Ana taeka rinanoia Ana burabeti--te wanawana ae kakawaki e karoaki bwa e na kaiiira rinanon kakaewenako n tai ake a kaangaanga nakon te kimwareirei ae akea n arona ao te ota ae tikiraoi n te maiu are akea tokina. E kakawaki ni mwakoron wakin maiura karikirakean te korakora, te ninikoria, ao te kokoaua n taumatoai nakon te koaua ao te tamara e ngae ma karawawata ake ti na nori.

Aomata ake a tia ni bwabetitoaki ao ni karekea ana bwaintangira te Tamnei are Raoiroi a toua kawain te aroaro n abotoro ao ni kaetaki n ira mwanekan ara Tia Kamaiu ni waki nako ma te kakaonimaki.

E reirei te Tia Kamaiu bwa e oti taai “i aoia akana a buakaka ma akana raoiroi, ao . . . te karau [bwaka] i aoia akana atataiaomata ma akana babakanikawai” (Mataio 5:45). N tai tabetai ti aki kona n ota bwa bukin tera a matoatoa, aki boraoi, bwai aika riki n te maiu. Ma ngaira aika taan tia ririmwin Kristo, ti onimaki bwa ngkana ti “marurung ni kakaae, ti tataro n aki toki, ao ti onimaki, . . . a na bane n ikotaki bwai ni mwakuri ibu-kin [ara] raoiroi, *ngkana* [ti] nakonako ni kaetira” (D&C 90:24; karinaki te katuruturu).

Ngkai membwa ngaira n Ana Ekaretia, aika Aomata Aika Itiaki, ti kimwareirei ao n tauraoi ni beku i nanon taian maro ao n taian tai ni kabane. Ao ngkai ti karoia, a kaonaki nanora n onimaki aika tabu, kantaninga aika rauaki, ao n te tangira ni karawa.

E nga n anne, ti na bon wakinako rinanon taian tai ni kabane—ni kauoua bwa a kakukurei ao a kamaraki. Ma e aki tabeakinaki te tai, bwa taan tia ririmwin Iesu te Kristo, ti na matoa ni kabotoa ara kantaninga i Aona ngkai ti keiaki n oki rikaki Nakoina.

Ni kakimotoana, ngaira Ana Aomata Aika Itiaki te Atua, ti kan reirei n Taekana, n Tangiria, ao n tangiriia raora. Kanga taan tia mwamwananga ngaira n toua te kawai ae tabu are a toua ana reirei (n okira te Atua), ao ti na nakonako ni waki nakon ara kouru ni karawa.

Ma ngaia are, ke ti riki bwa Aomata Aika Itiaki n te tiburing, te tiamwa, ao n te winta. Ke ti riki bwa Aomata Aika Itiaki ni katoa tai ni maiura.

#### TE BWAI AE NA TARAAKI

1. *Teachings of Presidents of the Church: Brigham Young* (1997), 67.

#### REIREI MAN TE RONGORONGO AEI

E a tia n reirei te Moan Beretitentii, “Tabeua kabwarabwara aika rang ni korakora a kabwarabwaraaki n aneneakin kuna n taromauri” (*Kuna n Taromauri*, ix). Ngkana ko maroroakina te rongorongo aei, iangoa te anene ma naake ko reireiniia teuana man kuna n taromauri aikai ke te anene tekorana n taekan teimatoan te kaaitara: “Ai matoara” (nambwa{ nb} 85); “Te Uea te Tia Kawakinai” (nambwa 108); ke “Let Us All Pregkanass On” (nambwa 243). Ngkana ko namakina wirikirikiam, tibwa am tai n te tai ni kaangaanga teuana ni maium are e bitaki nakon te kakabwaia.

#### RORONRIKIRAKE

#### I A Kona ni Katoka Nanokawakiu

Iroun Juan Zhu

I rang ni kimwareirei ngke a bwabetitoaki raou aika te Tari Chen ao kaainabana n ara uote. Teuana te ririki i mwin te bwabetito, a kabaeaki n te tembora, ma natia naba te mwaane are mate i mwaain kaainakin te Ekaretia irouia. E kakukurei noran rikiraken te utu n Chens i nanon te euangkerio.

N te ririki are i mwina e mate te Tari Chen ni kabuanibwain te ka. I mwin te kabuanibwai anne, e aki toki uriuringakin te kabuanibwai irou ao angiin te tai I mia-kinna. I uti n tang ao n titiraki ma n titiraki riki, “Bukin tera? Bukin tera e kariaia te Uea reken te kabuanibwai ae aron aei? Bukin tera bwa tebaei e riai n reke nakon te utu ae tamaraa aei?” N tebongina, ngke I iangoi nanon titiraki aikai, I tabekarake teuana te boki n reirei ao ni wareki taeka aikai mai iroun Beretitenti Spencer W. Kimball (1895–1985):

“Ngkana ti iangoia bwa te maiu ae mamate aei ti ngaia tabwanin karikakira, ngkanne te maraki, te nanokawaki, te konaaki, ao te maiu ae kimototo bon te karawawata ae kananokawaki. Ma ngkana ti iangoa te maiu bwa te bwai ae akea tokina n rereitinako kira-roa nako nanon te maiu n tamnei ngkoa ao nako nanon mwin te mate are akea tokina n te tai are e na roko, ngkanne a kona ni baireaki raoi bwai ni kabane n te taratara. . . .

“Bwa ti aki kaubwaaki nakon kariiri ni katai korakorara, te aoraki bwa ti aonga n reirei te taotaonakinnano,

te mate bwa ti aonga n aki kamamateaki ao ni kamimitongiaki?"<sup>1</sup>

N te tai anne, I baireia ni katoka nanokawakiu ao n tara te tai are e na roko are e beritanaki. I noria n au iango bwa e kukurei te Tari Chen n inono ma ana utu. Ataakin anne irou e anganai te rau. I ataia bwa Tamara are i Karawa E na anganira te wanawana ao te ninikoria ni kaaitarai kaangaanga.

*Te tia kororongo bon mai Taiwan.*

#### **TE BWAI AE NA TARAAKI**

1. *Teachings of Presidents of the Church: Spencer W. Kimball* (2006), 82.

## **ATAEI**

### **Te Beku n Tai ni Kabane.**

**E** reirei Beretitenti Uchtdorf bwa ti riai ni "kimwa-reirei ao n tauraoi ni beku ni katoa maro ao tai." Baikara anga tabeua aika ko kona iai ni beku n tain te winta? Baikara anga tabeua aika ko kona iai ni beku n tain te tiburing? Ao tera n tain te tiamwa ao te otom? Koroi am iango ibukin kakateuana te tai. Ko na tangiria ni kan kata teuana am iango n te namwakaina aei!



Onimaki, Utu, Buoka

# Maiu n toronibwai

Tataro muaaka ni kamatebwia te bwai n reirei aei, n arona ae riai, maroroakinna ma aine ake ko kawaria. Kabonganai titiraki bwa a na buokiko ni kakorakoraia aine ao ni karaoa te Bootaki n Aine bwa iteran maium ae kakaawaki. Ibukin rongorongona riki tabeua, nakon [reliefsociety.lds.org](http://reliefsociety.lds.org)

**T**e toronibwai bon te konabwai, kakaonimaki, ao te kekeiaki ni kareke buoka ibukin marurungira ao marurungiia ara utu n tamnei ao n aonteaba.<sup>1</sup>

N te tai are ti reirei ao ni karaoi nanon reirein te toronibwai ni mweングara ao n ara botanaomata, a reke ara tai n tararuaiia raarikin ao kainnano ao ni buokiia tabemwang n riki n toronibwai bwa a aonga ni kona ni ngiraaeakin tai ni kaaitara.

E reke ara tai ma katabeara ni kamanenaan inaomatara n rinerine n riki n toronibwai n tamnei ao n aonteaba. N taekinan te toronibwai n tamnei ao katinera iroun Tamara are i Karawa, Unimwaane Robert D. Hales man te Koram n te Tengaun ma Uoman n Abotoro e reirei: “Ti riki n rairannano ao n toronibwai n tamnei n te tai are ti maiuakin ara berita—rinanon itiakin karoan te toa, n itiaki ni karekean te beebwa ni kariaia nakon te tembora, ao n anganano ni buokiia tabemwang.”<sup>2</sup>

E reireinira Unimwaane Hales n riki n toronibwai n aonteaba, “karekean rakan te reirei i mwin te kauarinan n reirei ke karekean te kataneiai ibukin te mwakuri, reirei ni mwakuri, ao te maiu nakon are

reke iroura. Ni katokan te taarau ma ai te karinimwane ngkai, ti a tauraoi ibukin ana mwakuri n ibuobuoki te Ekaretia ae tabwanin taina n te tai ae na roko. Aia kantaninga toronibwai aika uoua bwa te toronibwai n aonteaba ao te toronibwai n tamnei boni katukara n te waki are ti mano iai bwa ti aonga ni kona ni buokiia tabemwang ake a kainnano.”<sup>3</sup>

## Man Koroboki aika Tabu

Mataio 25:1–13; 1 Timoteo 5:8; Aramwa 34:27–28; Doctrine and Covenants 44:6; 58:26–29; 88:118

## Man Ara Rongorongo ni Kawai

I mwin ikotakiia Aomata Aika Itiaki Ni Bong Aika Kaitira ni Mwanonon Salt Lake, are te rereua ae raroanako, e tangiriia Beretitenti Brigham Young bwa a na rikirake aroia ao ni kateimaeka iai. E nanonaki n aei bwa Aomata Aika Itiaki a kainnanoa reiakinan rabakau ake a na riki iai n toronibwai. N te kekeiaki aio, e korakora ana onimaki Beretitenti Young n aia konabwai, aia tarena, aia kakaonimaki, ao n aia tatauraoi aine, ao e kaungaiia ni mwakurin aonteaba ake a onoti. N tabeia aika onoti titita n te Botaki

n Aine aika n angiin te tai a kakakoro n te bong aei, a teimatoa n aki bitaki ana koaua:

1. Reirei n tangira te beku ao katoka te taningaroti.
2. Karekea tamnein te toronibwai.
3. Butimwaea te onimakinaki ibukin korakoran te tamnei, te marurung, te reirei, te mwakuri, taiani mwane, te amwarake, ao tabeua riki ake a kanakoraoa te maiu.
4. Tataro ibukin te onimaki ao te ninikoria ni kaaitarai kaangaanga.
5. Kamarurungia tabemwang ake a kainnanoa te ibuobuoki.<sup>4</sup>

## BWAI AIKA A NA TARAAKI

1. Tara Aeniboki 2: Babairean aron Kairan te Ekaretia (2010), 6.1.1.
2. Robert D. Hales, “Coming to Ourselves: The Sacrament, the Temple, and Sacrifice in Service,” *Riaona ao Ensign*, Meei 2012, 34.
3. Robert D. Hales, “Coming to Ourselves,” 36.
4. Tara Daughters in My Kingdom: The History and Work of Relief Society (2011), 51.

## Tera ae I Kona ni Karaoia?

1. I kanga ni buobuokii titita I tarai kakaean angaia nakon kainnanoia n aonteaba ao n tamnei?
2. I karirikirakea toronibwai n tamnei rinanon au katauraoi ibukin te toa ma au angaanganano n ibuobuoki?